



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-630-6/23**

Datum: **14.05.2024. godine**

„Agencija za vodno područje rijeke Save“ Sarajevo rješavajući po zahtjevu JP „Elektroprivreda Bosne i Hercegovine“ d.d. Sarajevo, Podružnice „Elektrodistribucija“ Bihać za izdavanje prethodne vodne saglasnosti za izgradnju podzemnog i zračnog srednjenaponskog voda za TS Kozara, DV 10(20) kV – Pilanska kolonija i KB 10(20) dionica C904-4016), u vodnom dobru i preko rijeke Une na lokalitetu Zeleni otoci, grad Bosanska Krupa, na osnovu člana 109. stav (1) tačke 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), **donosi**

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „ELEKTROPRIVREDA“ d.d Sarajevo, Podružnica „Elektrodistribucija“ Bihać, za izgradnju podzemnog i zračnog srednjenaponskog voda za TS Kozara, DV 10(20) kV – Pilanska kolonija i KB 10(20) dionica C904-4016), u vodnom dobru i preko rijeke Une na lokalitetu Zeleni otoci, na k.č. broj: 35-18/1 K.O. Bosanska Krupa, grad Bosanska Krupa, podzemna trasa dužine oko 295 m i nadzemni-zračni dio trase preko rijeke Une u dužini oko 103 m.
2. Prethodna vodna saglasnost se daje na osnovu pregleda dokumentacije i pod slijedećim uslovima:
 - 2.1 Na osnovu dostavljene studije za prethodnu vodnu saglasnost broj: 1907-P/2023 od decembra 2023. godine izrađena od strane „Urbis centar“ doo Banja Luka, izraditi investiciono-tehničku dokumentaciju za izgradnju podzemnog i zračnog srednjenaponskog voda za TS Kozara, DV 10(20) kV – Pilanska kolonija i KB 10(20) (dionica C904-4016), u vodnom dobru i preko rijeke Une na lokalitetu Zeleni otoci, na k.č. broj: 35-18/1 K.O. Bosanska Krupa, grad Bosanska Krupa, a sve u skladu s propisima za ovu vrstu radova za izgradnju dalekovoda duž vodotoka i prelaz preko vodotoka.
 - 2.2 Projektnom dokumentacijom jasno definirati položaj podzemne trase, stubova i provjesa dalekovoda u odnosu na vodotok rijeke Une. Sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprječavanje tih uticaja.
 - 2.3 Stubove dalekovoda locirati min. 10 m od linije dopiranja velikih stogodišnjih voda 1/100 godina ili isprojektovati mjere zaštite stubova od štetnih posljedica od voda (podlokavanje stubova) u protivnom sve posljedice će snositi podnosilac zahtjeva.
 - 2.4 Udaljenost najniže tačke na provjesu dalekovoda iznad nivoa velike vode rijeke Une ranga pojave 1/100 godina, ne smije biti manja od 10 metara.
 - 2.5 Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.
 - 2.6 Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.

3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investitor treba ispuniti u projektnoj dokumentaciji, u skladu sa Zakonom o vodama.
4. Nakon izrade projektne dokumentacije u skladu sa uslovima iz ovog dispozitiva, a prije pribavljanja odobrenja za građenje, Investitor je dužan zatražiti vodnu saglasnost na projektnu dokumentaciju, a sve u skladu sa Zakonom o vodama („Službene novine Federacije BiH“, broj 70/06) i Pravilnikom o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20 i 63/22).
5. Uz zahtjev za izdavanje vodne saglasnosti za izgradnju izgradnju zračnog srednjenaponskog voda za TS Kozara, DV 10(20) kV – Pilanska kolonija i KB 10(20) dionica C904-4016), u vodnom dobru i preko rijeke Une na lokalitetu Zeleni otoci, Grad Bosanska Krupa, pored investiciono-tehničke dokumentacije Investitor treba dostaviti i dokumentaciju utvrđenu članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata, te dokaz o uplaćenju upravnoj taksi u iznosu od 60,00 KM na zahtjev.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost za izgradnju predmetnog objekta i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

Obrazloženje

„Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihać, se službenim zahtjevom dana 29.12.2023. obratila ovoj Agenciji za izdavanje prethodne vodne saglasnosti za izgradnju podzemnog i zračnog srednjenaponskog voda za TS Kozara, DV 10(20) kV – Pilanska kolonija i KB 10(20) dionica C904-4016), u vodnom dobru i preko rijeke Une na lokalitetu Zeleni otoci, Grad Bosanska Krupa,

Uz zahtjev investitor je dostavio slijedeće:

1. Ovjerena kopija Rješenja o izmjenama podataka iz sudskog registra, broj 065-0-Reg-23-004121, izdanog dana 06.12.2023. godine od strane Općinskog suda u Sarajevu;
2. Kopija uplatnice upravne pristojbe;
3. Ovjerena kopija Uvjerjenja o registraciji / upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, dana 01.08.2007. godine pod brojem 04/1-UPP/1-7160/07,
4. Ovjerena kopija Uvjerjenja o poreznoj registraciji, izdanog od strane Federalnog ministarstva finansija – Porezne uprave – Kantonalnog ureda SARAJEVO, dana 30.08.2005. godine;
5. Original. Mišljenja o usklađenosti planiranih aktivnosti sa dokumentima prostornog uređenja da se iste mogu uklopiti u prostorni plan grada Bosanska Krupa, izdato od strane grada Bosanska Krupa broj UP 1-04-19-1-5039/22 od 15.04.2024. godine;
6. Studija za pribavljanje prethodne vodne saglasnosti, za „izgradnju zračnog i kablovskog KB 10(20) voda, dionica DV grad – TS Kozara, lokacija Zeleni otoci, Općina Bosanska Krupa, izrađena od strane „Urbis centar“ doo Banja Luka decembra 2023. godine.

U skladu sa članom 124. stav 1. Zakona o vodama („Službene novine Federacije BiH“, broj 70/06) o zahtjevu je dana 21.02.2024. godine obaviještena javnost putem obavještenja u javnom glasilu i na oglasnim pločama „Agencije za vodno područje rijeke Save“ u Sarajevu i Ureda u Bihaću. U datom roku nije bilo pisanih izjašnjenja o predloženim aktivnostima iz zahtjeva. Investitor je uplatio

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama članova 96. stav (1) tačka 16. i člana 128. Zakona o vodama i Pravilnika o sadržaju, obliku, uslovima i načinu izdavanja i čuvanja vodnih akata propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Uzimajući u obzir naprijed navedeno, a shodno odredbama člana 111. Zakona o vodama («Službene novine Federacije BiH», broj 70/06), te člana 5. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98).

UPUTA O PRAVNOM LIJEKU

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl.inž.

za Po ovlaštenju
Rukovodilac sektora za izdavanje
vodnih akata



Dostaviti:

- JP „ELEKTROPRIVREDA“ d.d. Sarajevo,
- Podružnica „Elektrodistribucija“ Bihać, Bosanska 25, 77 000 Bihać,
- AVP Sava – ISV – Vodna knjiga
- Sektor 40
- Oglasna ploča